


傳信尤易方二



傳信尤易方卷之二

頭痛門 附頭風

易州 涇陽 醫官 鄭登 校閱 正

治頭痛用川芎一錢半茶葉一錢以水煎熟服易方

○又方用細茶香附子川芎各一錢以水一盞煎

八分臨卧服下即止○又方用皂角為末吹入鼻

中得嚏則止備急方○又方用大蒜一枚去皮研

取汁令患人仰卧垂頭以筋蘸點入鼻中急入腦

眼中淚出瘥○又方附子炮石膏煨等分為末入

腦麝少許茶酒下半錢

治頭痛煩熱口乾小便赤少炙蜂房一錢二分水二

傳信尤易方卷之二 頭痛門

升煎取八合分二服當利小便諸惡毒隨小便出

衛生易
簡方

治積年頭痛用白芷末三錢以茶荊芥煎湯下

治頭疼每遇天陰風雨先發者用桂心一兩為末以

酒調如膏敷頂門或貼頭角效

治血虛頭痛自魚尾上攻者是病在左瘦人多患之

用川芎當歸白芍藥剉水煎服一方加黃芩酒浸

透晒乾

治傷風感冒頭痛用白芷生姜等分濃煎湯一鍾熱

服少睡取微汗愈入豆豉同煎尤妙

治頭痛欲裂當歸二兩酒一升煮取六合飲之再飲

秘外臺要

治因虛頭痛以人參一兩川芎五錢咬咀以水煎服甚效攝生衆妙方

治時氣頭痛不止用朴硝二兩擣羅為散用生油調塗於頂上聖惠方

治偏正頭疼取穀精草一兩為末以白麴調攤紙上貼患處乾則易之○又方用芎藭細剉酒浸服之佳斗門方

治偏頭痛用生蘿蔔汁一觔殼仰卧注之鼻左痛注左右痛注右左右痛俱注立效○又方葶撥為末

令患者口中含水左邊疼以左鼻吸一字右邊疼以右鼻吸一字甚妙經驗方○又方用雄黃細辛等分研令細每用一字已下左邊疼嗅入右鼻右邊疼嗅入左鼻孔中博濟方

治偏正頭疼并夾腦風連兩太陽疼痛以白殭蚕研末以茶調服

治頭風至驗以附子一箇生去皮臍用菜豆一合同入銚子內煮豆熟為度去附子服豆立瘥每箇附子可煮五服後為末服之○又方用端午日採耳草二兩茵陳一兩甘草半兩為末每服五錢熱

酒或執茶調下○又方用川芎當歸蒼耳子等分
為末每服三錢臨卧茶清調服○又方用細辛草
烏等分黃丹少許為末吹入鼻中○又方用川烏
極大者一枚河水煮七次剉碎鹽炒黃細辛四兩
酒浸茶芽半斤為末入麝少許每服三錢食後臨
卧茶清調下少時更以執湯催汗出或鼻出涕為
度○又方用香附四兩川芎二兩右為末每服一
錢清茶調服○又方用杏仁一升去皮尖雙仁水
研絞汁熬如膏和酒或羹粥內攪二匙食後服十
日後汗出永瘥

治初得頭風取童便和葱豆豉作湯飲佳

衛生易簡方

治頭風頭痛煩燥失音及小兒驚癇取淡竹葉一握

煎湯服

治頭風痛用大黑豆三升炒令無聲先備盛一斗二升瓶一箇內盛入清酒九升秉豆熟即投於酒瓶內以泥封固七日後取任意常服甚效○又方用白芷淨為末煉蜜丸彈子大每一丸荊芥湯調下

治頭風旋取蟬脫微炒為末每服一錢七溫酒調下

衛生易簡方

○又方用九月九日採苦白菊花曝乾糯

米一斗蒸熟菊花五兩拌勻多田麴麴醞酒如常

法候熟每次煖飲一小盞

治頭腦風中冷面上遊風目淚涕唾用川芎苗細爵
茶清送下

治頭腦風傷風用薄荷葉每日食後爵三五片大能
涼上膈去風痰通關格

治偏正頭風及一切頭痛用白芷川芎為末煉蜜圓
如龍眼果大每服二三丸食後茶清送下○又方
用白芷二兩為末煉蜜丸龍眼大每服二三丸食
後細爵茶清下

治偏正頭風痛用白芷川芎各三錢為末用黃牛腦

子一箇搯藥末於磁器內加酒煮熟乘熱和酒食之盡量一醉睡後酒醒其疾如失甚效

治頭目風用荊芥穗細辛川芎等分為末食後湯點二錢服

治頭上有腫塊痛者名雷頭風取羯羊糞燒灰以酒調服

治諸風目眩用蟬脫為末米飲下一錢匕

治雷頭風用升麻蒼朮各等分荷葉全者一葉燒存性各為散共勻以水煎七分熱通口服沙

治頭風取井底泥調大黃芒硝末塗之

治患頭風用山豆根搗末清油調塗之

治頭風鼻流清涕腦悶用辛夷仁一兩枇杷葉一兩

為末以水醋酒調服

醫林集要

治頭風掣疼用黃蠟斤鹽半斤右二味於錫鑪中溶
令相和軟捏作一匙盛勢可合腦大小搭頭至額
其頭痛立止

奇效良方

眩暈門

治頭眩暈經久不瘥四體漸羸飲食無味好食黃土
用白朮二斤神麴三斤搗羅細末酒和併丸桐子
大日三服忌桃李雀蛤勿食

治頭目眩暈取蟬脫為末每服二錢以白湯調下○
又方用大黃荊芥穗防風等分為粗末大作劑水
煎去滓服以利為度一方有川芎

治氣暈頭痛因氣所觸心腹滿脹嘔吐酸水頭目暈
眩及產後頭痛用川芎天台烏藥為末每服二錢
生姜湯下萬氏家抄

治感寒濕頭目眩暈用附子白朮川芎各一錢官桂
甘草炙各半錢水一盞半姜七片煎七分溫服

治冒雨中濕眩暈嘔逆頭重不食用川芎半夏泡七
次白朮各一錢甘草半錢水一盞姜七片不拘時

煎溫服

衛生易簡方

治一時為寒所中口不能言眩暈欲倒用乾姜一兩
附子生去皮臍細切一枚每服三錢水一盞半煎
七分食前溫服

治一切失血過多眩暈不甦用川芎當歸酒浸等分
細切每服四錢水一盞煎七分不拘時溫服虛甚

加附子

治發汗多眩暈筋惕肉瞤用牡蠣粉炒黃防風白朮
等分為末每服二錢酒調下米飲亦得日二三服
治男子婦人頭目眩暈胸中痰結眼昏不覺欲倒者
取菊花不拘多少為末水糊丸桐子大每服五十
丸溫酒下衛生易簡方

治血虛眩暈用千層石榴花為末吹入鼻中其暈立
止

治頭暈用天麻一兩防風五錢川芎白芷各七錢㕮

咀水煎晚服

涇陽醫士王玘方

積熱門 附火

治經絡中熱夢漏心神恍惚膈熱夢遺不可全作虛
冷亦有經絡熱而得之用黃栢二兩生用龍腦二
錢右為細末煉蜜為丸桐子大每服一十九臨卧
麥明冬湯送下千金方

治發熱口乾小便澁滯取甘蕉去皮嚼嚙汁口痛者
嚼含亦可 千金翼

治風熱結滯或生瘡癰用荊芥四兩大黃一兩咬咀
每服三錢水一盞煎七分空心溫服 經驗方

治大熱心悶者以槐子炒存性為末食後酒調服一

錢醫林集

要

治熱氣結滯經年數發五月五日採胡荽一斤陰乾水煎分服日服春夏葉秋冬根莖皆可

治熱毒攻心手足痛瞞取蒼耳莖葉濃煎湯漬之良
治熱毒用鷄子白三枚和蜜一合服之良

治膈熱解酒毒厚腸胃用黃連半斤酒二升浸於瓦器中置甑上蒸爛曝乾為末滴水丸桐子大每服五十丸食前溫水吞下

南陽活人書

治邪熱膈上氣滯五臟秘澁用玄明粉一錢或二錢臨卧桃花煎湯或葱白湯下

證類本草